

Efesus

¹ Nai Pol, Anut ilon yen ak lo, in Jesus Kristus san aposel ago isikatag a. Nai an Kristus san tamolpein gun a Efesus taun lo amado dugo Kristus mi awan ari apani dan, an sam na girek en niganne ipalu da. ² Bai Anut mi idsad Tamad, Tubun ak Jesus Kristus lo ilo panek an lo yen dop, ilo maror amam da ka amado wa.

Urgun san na bar uyan uyan ipalu ya

³ Idsad Tubun ak Jesus Kristus inanen Taman, Anut mi in yanan tabisa wa. Man dugo, id Kristus da tutumani kisaek ak ninen o, Awan Urgun san bar uyan uyan ak fidian a lak na yen dan ipanad go tuburou ya. ⁴ Saen Anut tan ta igane ilasa na dugo, id Kristus ida itumanad o kob ipanad a. An lo saen id in naon na tatur dan, id gun tumado dop, in malan lo man id ai wadan amad tiap itaot mi ago ka tumado wa. ⁵ Wagam mi mok, id nined o imat an lo, kob ipanad go njalan in jiliad pe in san nanun muroun mok tilasa san man Jesus Kristus lo mi a. Inanen ilon yen ak lo mi, id sinjiren na tau san ilo uyan lo ago igane ya.

⁶ Ago dop id in san ilo panek sinjiraokan geig an ninen o per tupani wa. Anut san Nanun man in san buben mok a. Aria, Nanun an lo ilo panek a ipanad an sen kawan naon tia ipanad a. ⁷ Kristus id da tutumani kisaek an ninen o, inanen dar lo in idad in jiliad dugo idaned aupasek fidian ipare idu ya. An in san ilo panek tubun geig ak iri pani a. ⁸ Anut inanen ilo panek id nined o tubun geig

ipanad a. An lo manjau funfun agod ilo safulalek uyan uyan dam ipanad a.

⁹ Mel an wagam mi Anut san ilo sou lo mi yen a. Ak man milaen mok inanen ilo sou an imianuk yen a. Aria, gamu gug inanen ilo sou imianuk an kuai tem igane ilasag id ilod isafulale ya. Kristus lo gup urat an yen a. ¹⁰ Insan ilo sou igo ya, in mel fidian un ad yabip yau gup, nal a kob ipani antep, mel an fidian Kristus lo mi itumani wa. Melmel lak na, agod tan na dam, Kristus paen na mi dien a, agod in mel an fidian sad tamad imado wa.

¹¹ In lo dam Anut id ipilianad go id Kristus san mi a. Man dugo, Anut in mel dugo ilasa san ninen o ilo sou igane dan ago mok mi igane ilasa da. An ninen o Anut mel a id nined o ilasa wan wagam mi ilon yen ago mi igane ilasa ya. ¹² Man Juda adi malmalan mi Kristus o iloma rumok a. Aria, Anut kob a ipanama yan san fun man, insan girager tubun geig an per mupani dop lo mator a. ¹³ In lo an dam, ru rumok a patum ipasi san bilalun uyanan alon dugo in o ilom rumok a, an lo inanen kob anane ya. Kob an man insan Awan Urgun nek a id ipanad o promis ru ibol a. ¹⁴ Awan Urgun man mel imug Anut ipanad a, amaiak lo id talon ak, murnap id dam mel aenta fidian uyanan ak Anut bageu iganeg yen dan tinane wa. An nek ago mi yen yau dop Anut mi melmel an ipanad a. Fun an ninen o insan girager an tubun mok per tupani geig a.

Pol Efesus ninedi wo Anut igudani da

¹⁵⁻¹⁶ Fun nek an ninen o nai Anut naon na an ninemi wo ilo uyan ru nupani dan, ta nyalis na da. An nek saen nai an Tubun ak Jesus Kristus lo ilom

rumok an n̄alōŋ ak, agod aŋanem ilo panek a Anut san tamolpein gun ak fidian lo agane dan dam niŋen o n̄alōŋ an, saen antem n̄ai fun n̄igane ya. An lo n̄ai pempem aŋ niŋemi wo dam ilog isou dugo Anut n̄ugudani wonŋ da. ¹⁷ Idsad Tubun ak Jesus Kristus san Anut, iŋ nek a girager san Taman amaiak n̄ai igo n̄ugudani da. Aŋanem maŋau iŋ lo yan iganep, kankan milaen ak san ur, agod melmel imianuk yen dan kuai ipani san ur dam aŋ ipanaŋ a. ¹⁸ N̄aisag gadiŋ lo Anut n̄usumianip aŋ lilaman ipanaŋ dop ilom isafulale wa. Agod melmel a aŋane wo igiaŋ go mala nouk amado dan san fun mok aloŋ uyan a. Agod Kristus san filian a girager aman da yan iŋsan tamolpein gun ak ipidinai o promis ru ibol an dam aloŋ uyan a. ¹⁹ Taida mi, iŋsan dabai tubun geig ak id ilo rumok tamolpein ilod lo urat igane dan, an dam aloŋ uyanan o n̄ai ilog ago yen da. Dabai an san tubun man tubun kasik id tou tigane san tia ya. Dabai a id lo yen dan nek dabai amaiak mi Kristus mateŋ lo ifufuni imasa yan da naon kisaek a. ²⁰ Dabai nek an mi Kristus iŋane isudag, kumaen panu lo kalik malan te yak ate, Anut giran̄en won ak lo iganeg imasi a. ²¹ Kristus iŋsen man kiŋ adi, gabman san nao n̄anek tamol adi, gurman fidian, ur fidian dabai amad da yan, tamol fidian a tamolpein malad lo iŋ yanad amad da yan dam, an fidian iriŋanai a. An saen gamu mi san tia ya, an saen murnap san dam mi a. ²² Anut iŋ mel fidian Kristus paen na iganeg dien da. Agod ipilianig Kris midaen fidian tan en lo sad gurman igane ya. Ago yan lo binawek uyan uyan ak ipidinai a. ²³ Kris tamolpein man Kristus

iñsen tinin. Ago yan lo Kristus iñsan bunun iñsen lo awan isag yen dan, Kris midaeñ fidian ilod lo kuai isip, an lo dop tamolpein fidian dile wa. Man dugo, Kristus iñsen man mel fidian e tan en lo dumado den tinid iñanefuteg imado da.

2

Kristus lo id kumaen tumado da

¹ Gubak mi aņ aupasek agane dugo kubiaeñ dam ariñani se ya. Agog an lo ņutum dam imat ak, ago mi amado na ya. Gug saen aņ aupasek lo ator se yan lo iņ iganeg aņ kumaen amado ya. ² Nal an lo man aņ tan en san kagin saiak lo amado se yak, ago mi ator na ya. Aņ ur saian ak sad gurman, timtaen lo itilanig dabai anda itor dak san kagin ari apani se ya. Ur saiak an gamu en iņ tamolpein ensauta a awa parsisalek tinadi an, tinidi lo urat saian ak igane da. Man dugo, iņ Anut awan ta diri na da. ³ Wagam id fidian dam nek iņ dida naon kisaek a, ago dugo ilo masai san kagin an mi tiri se ya. Idaned ilo ibol agod tinid san ilo masai dam lo tumado na yan, an niñen o idsad madok tan en lo man id Anut san tiñae saiak paen na tumado da. An nek ibol tamolpein fidian tan en lo ditor dak, ago mi a. ⁴⁻⁵ Ak gug, Anut id Kristus da itumanad go kumaen pempem san ipanad a. Man dugo, Anut iņ ilo muñanek tinin lo man awan isa geig a, an lo iņ id o tubun mok imat an niñen o, gidad, idsad aupasek lo ņitud imat yau bo man, kumaen ipanad go ņitud kumaen dilasa ya. (Anut san ilo panek lo mi aņ patum ipasi a.) ⁶ Agog Anut id enti a Kristus da tutumani an iņ da materj lo ifufunad go kumaen tilasa ya. Ago dugo iņ da

sisem mi kumaen panu lo taug inanen badim fo tumasi a. ⁷ Inj ago igane yan san fun man, saen murna murna ilasa san an lo gup inſan ilo panek tubun geig an id naod na kuai tem igane ilasa dop pempem tile wa. ⁸ Man dugo, Anut san ilo panek lo mi patum ipasi san man anſam ilo rumok lo mi a. Mel an ansem ta agane na ya. Tia, Anut sen kawan geig an ipanaſ a. ⁹ An man an urat agane yak san naon tia ya. Kabelan tamol ta an lo na sen yaſan yabisa banau. ¹⁰ Man dugo, id man Anut san banin aban a. Inj id Jesus Kristus lo idirad go foun tilasa ya. An fun man id kagin uyan uyan ak mi tigane wo wagam mi Anut ikubune panad an mi turi wa.

Id Kristus lo kisaek tilasa ya

¹¹⁻¹² Amaiak niſen o an imug mi Kristus lo asau mi amado se yan ilom isou wa. Tamol a muluſ san kulob diſane yan, inj an niſemi wo tamol muluſ san tia yak ago dubol da. Gidad ago durupaian bo man, kagin an tamol sad kagin sed tinid lo digane da, an man banid san mel mi a. Saen an lo man an Isrel sad tumanek lo naom tareſ dufou se ya, agod Anut san promis ru Isrel adi ipidinai an niſen o anaon a. Rumok, an mel uyan ak ta niſen o mala naok aganeg ta amado na ya, tia, anſam madok tan en lo man, Anut tia yak igo won amado se ya, an niſen o dam ilom isou wa. ¹³ Rumok, imug mi an asau mi amado se ya. Ago gug gamu man Kristus san dar lo an injilian go apalu ya. An Jesus Kristus ida atumanig, lo gamu en an Anut sumeikan mok siſiren na amado da. ¹⁴ Man dugo, Kristus inſen man idsad ilo maror. An alon ak, tempel ilon lo tareſ ta yen an lo gilek yen a, tareſ

an Juda adi senamo idirai dugo Juda tia yan dam senamo idirai a, an lo turen an san siai tumanek malan uraru an ilod lo yen a. Aria, gamu id ilod kisaek tilasa wo Kristus in siai an san taren irube yaug itout a, ago yan lo tumanek uraru an iganeg afon kisaek tilasa ya. ¹⁵ In san matej lo Moses san ru kubiaen fidian agod ru kagin fidian ilon lo yen an dam ifini imat pasik a. An lo na Kristus in sen Juda tamol in Juda tia yak da in al go itumanaig, an lo tamol foun ak kisaek mi ilasa ya. Dal an lo maror igansi a. ¹⁶ Kristus tinin kisaek amaiak lo, tamol wagam an uraru mi itumanaig, Anut san turan mok on dilasa ya. An san dal man Kristus aigim fo imat amaiak lo mi a. Dal nek kisaek an lo mi siai a nug lo yen an, Kristus igane itout a. ¹⁷ In bilalun in aneg an a asau mi amado dan sam na ipalu ya, agod man Juda e sumsumeik mumado den dam mi a. Bilalun maror san an id fidian naod na ifulale ya. ¹⁸ Gamu in lo, id fidian geig Awan Urgan kisaek an lo mi dalawan ipasi panad dop Bai sinjiren na tilasa wa.

Id Anut san ab gun ak igo won tumado da

¹⁹ Gamu en an tamolpein naom foun ak igo won ta amado na ya. Tia, an Anut san tamolpein gun ak dida naom kisaek mi a, agod an in san warou mok ilon lo dam amado da. ²⁰ An Anut in anen ab igo won isuse da. Man aposel, profet dida man, Anut ab an san bag igo won igunama ya. Jesus Kristus in sen man ab an san bag tamol. ²¹ Ab an san tatu fidian man Kristus lo mi isasau a. Ago dop ab isuse yan lo ab kisaek gun ak Anut ilon lo imado san ilasa wa. ²² Kristus lo dam, in in jilian go an ab

gun an da ibateg kisaek mi aŋ ab an tinin aenta igo woŋ amado da. Amaiak niŋen o gamu Awan Urgun iŋsen Anut naon iŋaneg ab ante imado da.

3

Anut san ilo sou imianuk yen an kuai te ifulale ilasa ya

¹ Fun an niŋen o, ŋai Pol, aŋ tamolpein a Juda tia yan niŋemi wo Kristus san subanek tamol ŋumado da. Aria, Anut ŋugudani wo da, ak gug ru ta ŋurupaiaŋ o da. ² Aŋ dag ru en alon boi. Anut iŋsen iŋanen ilo panek ŋai banig lo iganeg ŋuwae panaŋ o urat ŋigane da. ³ ŋai imug girek en ŋigireg lo ŋurupaiaŋ a, Anut sen iŋsan ilo sou mianuk an, an ŋai irupaiaŋ a. ⁴ Saen aŋ ru en asuti dop, igo ale gup, Kristus san ru mianuk ak an ŋai ŋalon fufei a. ⁵ Saen imug imug ipalu se yan lo man, Anut iŋ ru imianuk an tamolpein tan en san naod na kuai te ta igane ilasa na ya. Ak man gamu en Awan Ur lo yak niŋen, iŋ maŋ aposel iŋanen profet adi dam, iŋsen ru imianuk an fun ifulaleg kuai tem ilasa dugo duloŋ uyanan a. ⁶ Ru mianuk an man igo ya, aŋ gob adi Juda tamolpein dida sisemi Anut san bar uyan uyan ak aŋane wa. Aŋ iŋ dida atumani an lo tinim kisaek alasa ya. Agod melmel a Anut san promis lo tiŋane wo ibol an, id sisem tiŋane mok a. An bilaluŋ uyanan Anut Kristus lo ipanad an lo ilasa ya.

⁷ Bilaluŋ uyanan en niŋen, Anut ipilianag go iŋsan bilaluŋ tamol ŋilasa ya. An iŋsan ilo panek a sen kawan naon tia ŋiŋane yan iri pani a. Rumok, iŋanen dabai tubun geig ak lo ŋai iginiag go tamol

naok ago yak ŋilasa ya. ⁸ Gidad, ŋai Anut san tamolpein luluŋad lo, tamol kawan ak igo won ŋumado bo man, in ŋai ilon ipanag go urat emaiak ipanag a. Urat en man, Kristus san bunun uyanan a talon san id ta idaisuda na yan niŋen o, gob adi naod na kuai te ŋabol ilasa dop dulon a. ⁹ Anut san ilo sou saen milaen mok imianuk yen se ya. Ak gug Anut a mel fidian igane yan, inanen ilo sou an kuai tem ilasa wo ago ilon yen da. Ago dop tamolpein fidian inŋsan ilo sou imianuk an dile dulon a. Agod in urat an dam ŋai ipanag a. ¹⁰ Rumok geig, Anut in kulob a inŋsan tamolpein luluŋad lo igane ilasa yan lo, inanen maŋau funfun naon senamo geig an igane kuai isi a. Ago igane yan lo, ur sad gurman in ur fidian a dabai amad da yan dida lak na ditilani dutor dan, Anut san maŋau tubun geig ak an ikubiai pidinai dop dile wa. ¹¹ En man inŋsan ilo sou saen fidian san a. An lo man gamu Jesus Kristus idsad Tubun ak lo Anut san ilo sou an nuŋon ilasa ya. ¹² Id Kristus o ilod rumok dop, id tarer san tia ya. Id an lo talon uyanan ak Kristus in mi idsad dal. In lo gup id Bai sirin na tilasa wa. ¹³ Ago yak niŋen ŋai gamu en ŋurupaian da, madai e an niŋemi wo ŋisini den niŋen o ilom muruan amoi. Man ata wo? Madai en man ananem girager tubun a.

Pol Efesus tamolpein dutur sakar san niŋedi wo igudani da

¹⁴ Fun an niŋen o ŋai Bai naon na turug ŋusaluwi a. ¹⁵ In warou fidian lak na yak in tan na yak dida dumado dan sad Tamadi a. Man niŋen mel fidian an inŋsen mi yanad ipidinai a. ¹⁶ ŋai turug ŋusaluwig

igo ngudani da, Anut inſan girager san binawek wei mi an aŋ nŋutumi ilon lo ka igane wa. Ago dop an lo inſan Urgun idiraŋ pe tamolpein nŋutum dabai tubun mi ak amam da ago amado wa. ¹⁷ Ago dop Kristus sen aŋanem ilo rumok an lo nŋutumi ilon lo ka imado wa. Nai igo dam ngudani da, ilo panek kagin an man aŋanem kagin naok naok fidian san fun mok a. ¹⁸ An lo aŋ Anut san tamolpein fidian dida sisem, Kristus inſanen ilo panek an alon uyanan san, aŋ ikawilami wa. Ago dop man aŋ ka alon uyanan ak, Kristus ilon ipanaŋ san kagin man tubun mok, yaug milaen geig, isida yaug lak na kasik, idu yau geig a. ¹⁹ Rumok, id inſanen ilo panek an talon pasik anen ta idaisuda na ya. Gug gidad, nai niŋemi wo Bai ngudani on da, aŋ inſan ilo panek an alon uyanan a, ago dop man Anut san bunun uyanan fidian ilon lo awa na geig an, aŋ lo dam ka awan isa wa.

²⁰ Anut in mel dugo onſa ilo sou lo yen dan, agod mel dugo niŋen o sumiani dan dam, irinſanip, suguan dam ka ipano wa. Inſen mi inſanen dabai id ilod lo urat igane dan lo, urat an fidian igane wo idaisuda geig a. ²¹ Ago yak niŋen o, inſan tamolpein lulunad lo, Kristus lo dam, Anut san girager kuai tem yen a, gamu yen ak, nal pempem nek agom yen yau a. Rumok.

4

Id Kris fidian ilod kisaek a

¹ Nai Pol, Tubun ak san subanek tamol, nai igo nŋurupaian da. Madok a Anut niŋen o igian an ari apani wa. Ago dop kagin a inſen niŋen o ilon yen dan lo mi itaot ator o ago ilom nŋabisa da. ² An

sem ibianj adu dop tamolpein maror amami ak igo wonj amado wa. Saen anj ilo muruan dupananj dop ninjedi wo anj ilom wananan amoi. Anj anen anen nug ilon apani wa, ago dop muruan a nugnug lo akubiani dan, gidad asini wa. ³ Anjanem ilo kisaek Awan Urgan lo yan, maror nek a ituananj iso yan lo mi maeg aganep kagin apani wa. ⁴ Id Kris adi tinid kisaek, agod Awan Urgan dam kisaek a. Nek ago mi, mala nouk kisaek nek a Anut ninjen o igianj ago mi a. ⁵ Tubun en man kisaek a. Ilo rumok san kagin dam kisaek a, Kris filanek dam kisaek a. ⁶ Anut dam kisaek mi a, id ilo rumok tamolpein fidian idsad Tamad a. Inj id fidian fufo lak na ya, agod id fidian anen anen ilod lo urat igane da. Agod inj id fidian tinid lo imado da.

⁷ Ak man Kristus ilo panek lo mi id anen anen injsan ilon yen ak iri panim, injsan lou funfun id ipanad a. ⁸ Amaiak ninjen o Anut san ru buk lo yak igo ibol,

“Saen inj lak na isuda yau man,

tamolpein a wei mi njied banid subanek lo yen se yan injiliai go dida diau a.

Ago dugo injsan lou panek funfun an tan san tamolpein ipidinai a.”

⁹ (“Inj lak na isuda yau” ru an fun dugo yak i? An fun man inj imug mi tan en lo ipalu idu ya. ¹⁰ Enti inj a tan na idu yau amaiak, inj mi did aben fidian dam irinanaig isuda yau an lo, injsen mi mel fidian ilodi tinidi lo inj mi awan isa wa.) ¹¹ Injsan lou panek man igo ya. Ta aposel urat, ta profet urat, ta bilalunj urat, ta matu urat, aenta girek manjau urat lo iginiaig dumado da. ¹² Anut san tamolpein man

Kristus tinin. Aria, lou funfun amaiak ipidinai an lo man, Anut san tamolpein urat digane san dal dukubune wa. An lo man, in anen anen Kristus san urat biabi ka digane wak, agod in Kristus san tinin dabai dupani wa. ¹³ Urat en ka yau won dop id fidian sad ilo rumok lo, agod idsad manau a Anut Nanun ninen o an lo dam, id tamolpein itumanad pe kisaek tilasa wa. An lo dop id Kristus san kagin lo busumak sad tou tinanep tumado wa. Aria, busumak adi sad bunun a tinane wo maeg tigane dan san tou man, bunun an fidian Kristus lo mi yen da.

¹⁴ Wagam id nanuk on tumado na ya, id wog igo won beig san bururuk gidigheid iriad ila iso se ya. Gug id Kristus on tilasa wo dop, id afon nanuk on ta tumado na wa. Man dugo, imug mi kagin en id Kris tamolpein luluad lo yen a. Tamol ta supalek ru nam pitenanek foun foun ak dupanad a. Pitenanek an Kris tamolpein iduduwai dugo ilo sou uyan ak san dal ifutani da. Tamol an dal funfun lo dirawai dugo dal saian ak lo didirai diau da. Teig taog, id fon ago ta tilasa na wa. ¹⁵ Tia, id ilo panek san dal tiri dan lo ru rumok ak mi kuai tem tabol ilasa wa. Ago dop id nek ibol nanuk igo won titalbusi uyanan a. An lo dop kagin fidian lo titalbusip, id Kristus igo mi tilasa wa. Insen mi idsad gurman. ¹⁶ Id Kris tamolpein man Kristus san tinin. Kristus itirnad dugo inanen tinin id dabai tupani da. Tinin san boi anen anen man tinin an da isatuanig yabig dabai go kisaek mi dipinig dien da. Tinin an san boi anen anen ininjaned urat kisaek kisaek atem digane da, an lo tinin fidian italbusip ilo panek lo dabai inane da.

Aņanem madok san dal

¹⁷Tubun en lo ņai ru kagin e ņurupaian den aņ ari apani wo tubun mok ņududuwan da. Aņ afon gob adi sad dal lo ta ator na wa. Man dugo, iņsad ilo sou an kawan mok a. ¹⁸Iņsad dulon man tidom tubun yafutani a, agod Anut san madok niņen o man iņ ibol tamol asau ak igo won a. Man dugo, diņaon go dumado da. Iņsad ilod pat igo won dabal geig an lo Anut ta dulon na ya. ¹⁹Kagin itaot ak niņen o man kagin ta dupani na ya, an lo ilo masai san kagin an mi diri dupani da. Kagin fidian nun aman da yak lo diladu san niņen o mi yaes isofutanai da. ²⁰Ak man aņ dal an lo Kristus niņen o ta alon na ya! ²¹Aņ dag Jesus niņen o dupiteņanan dugo ru an kagin ta apani na ya. Taida mi, Jesus ilon lo mi ru rumok yen da. Aria, an rumok tap, ņai gamu ņurupaian da, ²²aņ ilom wagam ak san turen an abisei wa. An aņanem madok wagam ak san mel mi a. Ilo masai san kagin an ilom iņane dop, sem ņudum asue dop lo mel fidian a saian ak an mi agane wa. Amaiak niņen o gamu en aņ kagin wagam an akudip yau a. ²³Ago dop an lo aņ ņutum iņ aņanem ilo sou fidian da ka foun dilasa wa. ²⁴Aņanem ilom foun a Anut sen igane ilasa panan an mi aņanep aņ tinim ilon lo agane wa. Ago dop ilom foun ak san bunun iņ Anut san bunun da naon kisaek a, an lo aņ ilom ilon lo kagin itaot ak iņ kagin gun ak da awan isa wa.

²⁵Amaiak niņen o aņ rawek kagin an amoi. Aņ fidian ru rumok ak mi Kris aenta naod na arupidai dop dulon a. Man ata wo, id fidian tinik san boi anen anen amaiak san tinik kisaek ago tumado da.

²⁶ Anj ka talpein ta niñen o ilom saian a. Ak gug kagin an ale funi dop aupasek lo ta idirañ au na wa. Tia, kagin agane wa, saen ad gamugo idiau dop, aņanem ilo saian nug niñen o an akubunep itout a. ²⁷ Agod anj dal ta Satan ilom iņane wo ta apani na wa. ²⁸ Ta iņ gumagam tamol man fon ta igam na wa, tia, iņ urat igane wa. Iņ urat uyan ak mi banin lo igane dop, an lo tamolpein a melmel lo katuk ad go dumado dan binawek ka ipidina i a. ²⁹ Anj ru saiak binawek aman tia yan awam lo ilasa amoi. Tia, ru uyan ak mi abol ilasa wa, ru an ka tamolpein duloņ dop lo dabai ipidina i a. Gidad muruan dugo dugo tamolpein dile dan, ru a ibinawai san an mi abol ilasa wa. Ago dop tamolpein a ru an duloņ dan, anj Anut san nao űanek igo woņ iņsan ilo panek apidina i a. ³⁰ Anj Anut san Awan Ur ilo muruan apani amoi. Awan Urgun iņ man Anut san kob anj ilom ilon lo igane ya, amaiak lo Anut iņanen tamolpein iņiliai san nal an lo anj dam sisem iņiliañ a. ³¹ Anj ilom lo siai kagin, tiņae saian san kagin, nug abubuņani adiri san kagin, uf ru san kagin, agod dumadam kagin dam, an fidian akudaip diau itout a. ³² Anj nug niñen o bubem kisaek ak lo, tini misek san kagin lo dam atur sakar a. Nek ibol Anut iņ Kristus log aņanem aupasek ipare idu yak ago mi, aņsem dam nug niñen o ago agane dop ator a.

5

Lilaman lo tator da

¹ Ago yak niñen anj gidad kagin a Anut iņsen igane yan mi ari apani wa, man dugo, anj iņsinanen nanun muroun mok amado da, agod iņ tubun mi

ilon ipanaŋ da. ² An aenta ilom apidinai san turen lo mi ator a, nek ago mi Kristus ilon ipanad an lo inŋsen tinin ibisei panad a. In man nek ibol bilelek a Anut dupani wo yai digane dop inŋsan mumalun iwen siŋaokan pe lak na yaup Anut ilo uyan ipani san igo won a.

³ Aria, an jeit kagin lo, kagin nun anda yak fidian an lo dam aladu amoi. Agod aenta sad melmel niŋedi wo malam isi amoi. Aupasek naok ago yak man Anut san tamolpein luluŋad lo yen san man aben tia ya. ⁴ An ru nun, ru niŋeo, ru kukok a ilo saian igane ilasa yan dam awam lo ta ilasa na wa, man dugo, kagin naok an uyan tia ya. Tia, an gidad Anut per apani wa. ⁵ An mel en alon uyan ak i? Tamolpein ensauta a jeit kagin digane dan, kagin naok naok nun anda yak digane dan, agod tan en san melmel niŋedi wo yaes ifug ditor dan dam, Anut in Kristus da sad kumaen panu lo ta mok diladu na wa. (Talpein a tan en san melmel niŋedi wo yaes ifuni dan, in talpein a tubud sewak sad ubou ad ile dan da naon kisaek mi a.) ⁶ Kagin agane wa, kabelan talpein ta ru kawan ak lo nudum dusue dop lo an kagin saiak agane banau. Kagin naok nek an lo dop Anut tiŋaen saian pe in ai wadan saian geig ak iganep awa parsisalek san tamolpein an sad tinid fo ikulmaek idu dop ka disini wa. ⁷ Ago yak niŋen an tamol naok ago yan dadi nug turan on ta ator na wa. ⁸ Man ata wo? Imug mi an tidom tubun lo amado se ya. Gug gamu en Tubun ak an lilaman lo iginian a, an niŋen o an lilaman san tamolpein igo mok ator a. ⁹ Man dugo, lilaman in nuŋon uyanan ak mi igane ilasa da, kagin uyan ak, kagin itaot

ak, ru rumok ak mi tabol san kagin dam, an mi id tigane wa.

¹⁰ Kagin uyan nek a an agane san ninen o Anut ilon uyan dan mi ale wo maeg agane wa. ¹¹ Tidom tubun san kagin funfun lo sem ta iginian aladu na wa. Kagin naok an man in nuon ifu uyan san tia ya. Tia, saen tamolpein kagin saiak digane dugo an ale tap, kuai tem abubunanai a. ¹² Man dugo, kagin nek a mianuk lo digane dan man saian geig a. Rumok, talpein ta kagin an ninen o malak malak ibol tap, miai tubun mi ifuni wa. Ago bo man, in gidad malak malak ibol ilasa wa. ¹³ Sul man aban isapudade dop mel ta in sul san lilaman lo ilasa dan tamolpein dile wa. Amaiak ninen o mel saian ta lilaman lo kuai isip tamolpein dile dulon pe “an saian ak” ago dubol a. ¹⁴ Fun an ninen o ru e ilo rumok adi dubol den talon a,

“On tamol a wen dan, masa.

On mutou lo wen dan masa dop,

Kristus in lilaman ipano wa.”

¹⁵ Kagin agane dop ananem turen bitinaek lo aganep ale wa. An tamolpein kankan amad tia yak igo won turen abi amoi, tia, tamolpein kankan amad da yak igo won ago mi ator a. ¹⁶ Saen abidani amoi. Saen gamu e Anut ipanan dak lo, kagin uyan uyan ak mi agane wa, man dugo, saen gamu e id lo tumado den man saen saian a. ¹⁷ Fun an ninen o an njeo kagin lo atur dan amoi. Tia, akubianip ale, Tubun ak san ilobol an man ata mel ak i? An ale alon dop ari apani wa. ¹⁸ Agod an tubun mi aluk dop, aburaurau banau, man dugo, kagin naon nek an an muruan ipanan a. Tia,

Awan Urgan an mi anj tinimi ilon lo awan isa wa. ¹⁹ Ago dop anj ru girek Isrel bar san buk lo yen dan lo, ubou san bar lo, Urgan san bar lo dam nug lo anjinej a. Anjanem tinim njutum fidian lo Anut ilo uyan apani wo bar abi wa. ²⁰ Agod nal fidian lo, mel fidian ninjedi wo dam, anj idaned Tubun ak Jesus Kristus yanjan lo, Bai Anut per apani dop ilo uyan apani wa.

Pein iwon tamol da

²¹ Anj anen anen nug awan paen na amado wa. Anj kagin ago agane san fun man, Kristus yanjan lak na mok asini wo ago ilom yen a. ²² Onj pein, onjane tamol paen na mado wa, nek ibol onj dam Tubun ak paen na mado dak igo wonj a. ²³ Man ata wo? Iwon pein injan gurman man iwon tamol a, nek ibol Kristus inj man injanen tamolpein fidian sad gurman igo wonj a. Injan tamolpein man injan tinin, agod inj man injanen tamolpein sad patu pasek tamol. ²⁴ Amaiak ninjen o, nek ibol Anut san tamolpein inj Kristus awan paen na dumado dak ago wonj, onj pein mel fidian lo onjsigane tamol san awan paen na mi mado wa. ²⁵ Aria onj tamol, onjane pein ilo pani wa, nek ibol Kristus injan tamolpein ilon ipidinai dugo sen tinin ibisei pidinaig materj lo idu yak ago ya. ²⁶ Ago yan lo injanen ru nam, nek ibol you igo wonj, injan tamolpein ifulanaig an lo gun idirai dilasa ya. ²⁷ Inj ago igane yan lo dop injanen tamolpein sinjiren na girager amad da dupalup naon na dutur a. Girager an tinin tubulak tia yak, mel ta saian nek ago tia yak dam ago mi wa. Tamolpein an man gun ak, agod nun tia yak nek ago mi dumado wa. ²⁸ Ak ninjen o

an tamol dam, nek ibol sem tinimi kagin apani dak igo won, anşınanem iwom ilom apidinai a. Ta inşan iwon pein ilon ipani dan, in sen tinin ilon ipani da. ²⁹ Id talon ak, tamol ta inşen tinin lo ager ta igane na da. Tia, in sen tinin anan ipani dugo kagin ipani uyanan da, nek ibol Kristus inşen inşanen tamolpein kagin ad igane dak ago won a. ³⁰ Man ata wo, id anen anen man Kristus san njen banin malan, mel ago yak inşan a. ³¹ Anut san ru girek lo yan igo ibol. “Tamol inş tinan taman ibisawaip iwon dam nug dipinip dutor a. An lo uraru an tinid kisaek ak igo won dilasa wa.” ³² Ru an ilon lo ru fanan tubun mi yen dak talon san ta pasauman na ya. Gug nşaisag ilo sou lo, ru an Kristus inş sinanen tamolpein da nişedi wo ibol a. ³³ Gug gidad, an tamol anen anen anşanem iwomi nişedi wo amat a, nek ibol anşem nişemi wo amat dak ago won a. Pein dam anşanem tamol kagin ad agane dop paed na amado wa.

6

Nanuk tinan taman da

¹ Nanuk, an anşanem tinam tamamı awad mi ari apani wa. Anş Tubun ak san a, an nişen o kagin an ago agane wa. Man ata wo? Kagin an uyanan mok a. ²⁻³ Ru kubiaen ta promis aman da yak Moses san girek lo yen da. Ru kubiaen an man, kubiaen a malan te amaiak ilon lo promis yen da. Ru kubiaen an igo ibol a, “Onş onşane tina tama sad yanşadi lak na mok sini wa. Ago gane tap man, onş madok uyan ak nşanep, saen milaen tan en lo mado wa.” ⁴ Bai adi, an anşanem nanuk abiai dudu saian geig san kagin lo, ilo saian apidinai man amoi. Tia,

an gidad pitejanek uyanan a Tubun ak san dal iri pani dan mi apidinaí a, agod in sed tinid diabi idu dop lo Tubun ak san awan paen na dumado san, an dam akubiai pidinaí dop duloŋ a.

Urat bigabeg injaned tirnek tamol dadi sad ru

⁵ Urat bigabeg adi an aŋanem titianek tamol tan en san awad mi ari apani wa. An niŋedi wo dam arer a. An pempem aŋanem urat niŋen o ilo sou kisaek a maeg apani dan lo urat ago mi agane wa, nek ibol an Kristus niŋen o mi urat agane dan igo woŋ a. ⁶ An saen inŋsad leil lo amado dan lo mi, ilod aŋane wo sad awad ari apani man amoi. Tia, an Kristus san urat tamol igo woŋ urat a dupanan an agane wa, man dugo, Anut niŋemi wo ilon ibol man an tinim bubem fidian lo ago agane wa. ⁷ An ilo uyan lo urat agane pidinaí a, urat a agane dan tamol gidad san tia ya, urat an man Kristus san a. ⁸ Man dugo an aloŋ uyan ak, talpein ta in mel ta uyanan ak igane tap, inŋsan urat naon man mel ta uyanan ak naon kisaek Anut banin lo ipalu dan an mi inane wa. Gidad in bigabeg boi, tia, inŋsinanen ilobol lo itor san tamol boi, uraru an sad urat naon man kisaek a. ⁹ An titianek tamol, aŋanem bigabeg adi kagin uyan ak mi in lo agane wa. Ilo rer san kagin in lo agane amoi. Tubun ak in lak na imado da, in anŋsam Tubun a, agod in dam inŋsad Tubun a. Agod inŋsan leil lo man, id fidian tou kisaek mi a.

Kris adi in yu tamol igo woŋ dumado wa

¹⁰ Aria, ŋai gamu ru wadan ŋurupaian da. An Tubun ak san dabai sakar geig ak lo atur sakar a. ¹¹ Biouŋ a yu tigane san an fidian Anut id ipanad la ya. An mi an tinim lo asisi isap Satan san rawek

kagin fidian abiani dop wagai aganep atur sakar a. ¹² Man dugo, id tamolpein niñedi wo ager ta tigane na da, tia, ur gurman adi, ur tirnek adi, ur dabai amad da a tidom tubun gamu yen dan lo, tan en san tamolpein ditirnai dak, ur sisaiak kagin saian geig ak san, agod lak na dumado dutor dan dam, amaiak niñedi wo ager tigane da. ¹³ Ago yak niñen o Anut an yu agane san biouñ fidian ipanañ an aburou, saen saian ipalu dop, an nek an lo dabai pe atur dop yu agane wa. Saen yu itout dop, nek ago an dabai amam da atur a. ¹⁴ An kam lapik galim te afouti wa. Lapik an man ru rumok igo ya. Aenta man, titirem te siot kapa ak agane wa. Siot kapa an man kagin itaotan ak igo won a. ¹⁵ Niemi te sendal agane wa. Sendal uraru an san fun, an ilom tinim imasap maror san bilalun uyanan an asini ator san ak igo ya. ¹⁶ Kagin fidian an, sad malan te man ilo rumok mi a. Nek an mi dumui igo won, abi sakar pe Satan in san yu malan yai balen anda yak isou ipanañ dop atartitanip asoufunip imat a. ¹⁷ Taidam, patu pasek a Anut ipanañ an kitikat sakar ak igo won ananep kabunjam fufo agane wa. Agod sabiri a Awan Urgan san an dam abi wa. An man Anut san ru. ¹⁸ An saen fidian lo, gidad mel dugo ilasa yan, Awan Urgan san dabai lo agudani wa. Man niñen o nal fidian malam ipuk pe ta ayalis na wa, ago dop Anut san tamolpein fidian niñedi wo agudani wa.

¹⁹ An gudanek lo mi Anut asumiani dop nai binawek ipanag a. Nai ilog igo yen da, an agudani dop, Anut inanen ru nai awag lo igansi wa. Ago dop nai narer se yan nibiseip, an lo Anut san bilalun

uyanan a imug mi imianuk go in lo yen gug gamu kuai isi an mi nabol ilasa wa. ²⁰ Insan bilalun ninen o nai man Anut san nao nanek tamol, funatek lo numado da. An gudanek lo Anut asumiani dop in dabai ipanag dop tamolpein naod na ru dabai mok nabol a, man dugo, kagin an niganen wan Anut malan lo man uyanan a.

Ru wadan

²¹ Tikikus urat e niganen den, agod muruan dugo ifunag den ninen o an irupaian dop alon a. In Anut san urat lo man naisag urat kisaek a, agod naisag bubeg mok a. ²² Amaiak ninen o man mel dugo dugo mile dan ninen o alon uyan o nai Tikikus niganen sinirem na ipalu da. An lo an ilom dabai ipani wa.

²³ O teig taog, nai nek e Anut nugudani den, insan maror ipanan a, agod ilo panek in ilo rumok da sisem, Bai Anut san na ipalug, Jesus Kristus san na dam ipalu yan dupanan a. ²⁴ Anut ka insan ilo panek an iwali idu dop, tamolpein ensauta a insad ilo panek imat san tia yak Jesus Kristus dupani dan ituanai dop in lo yen a. Rumok.

Anut san bilalug foun
The New Testament in the Takia Language of Papua
New Guinea
Nupela Testamen long tokples Takia long Niugini

Copyright © 1999 The Bible Society of Papua New Guinea

© Faith Comes by Hearing

Language: Takia

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-12-11

PDF generated using Haiola and XeLaTeX on 22 Feb 2024 from source files dated 31 Aug 2023

757b3e4e-2023-5b45-893a-ee9294ddeb9d